

**«ՎԱՆԱՁՈՐԻ Հ. ԹՈՒՄԱՆՅԱՆԻ ԱՆՎԱՆ ՊԵՏԱԿԱՆ ՀԱՄԱԼՍԱՐԱՆ»
ՀԻՄՆԱԴՐԱՄ**

Հավելված
«Վանաձորի Հ. Թումանյանի անվան
պետական համալսարան» հիմնադրամի
Ռեկտորի ժամանակավոր պաշտոնակատարի
02.10.2025թ. թիվ 1142/Ս հրամանի



**ՎԱՆԱՁՈՐԻ Հ. ԹՈՒՄԱՆՅԱՆԻ ԱՆՎԱՆ ՊԵՏԱԿԱՆ ՀԱՄԱԼՍԱՐԱՆԻ
ՄԱԳԻՍՏՐԱՏՈՒՐԱՅԻ ՀԵՌԱԿԱ ՈՒՍՈՒՑՄԱՆ ՀԱՄԱԿԱՐԳԻ 2025-2026**

ՈՒՍՈՒՄՆԱԿԱՆ ՏԱՐՎԱ ԸՆԴՈՒՆԵԼՈՒԹՅԱՆ

ԿԱՐԳ

Ընդունված է ՎՊՀ գիտական խորհրդի կողմից
Արձանագրություն թիվ 1 25.09.2025թ.

ՎԱՆԱՁՈՐ

2025թ.

1. ԸՆԴՀԱՆՈՒՐ ԴՐՈՒՅԹՆԵՐ

1.1. Սույնով սահմանվում է «Վանաձորի Հ. Թումանյանի անվան պետական համալսարան» հիմնադրամի (այսուհետ՝ Համալսարան) մագիստրատուրայի հեռակա ուսուցման համակարգում 2025-2026 ուսումնական տարվա ընդունելության կարգը (այսուհետ՝ Կարգ):

1.2. Կարգի իրավական հիմքերն են ՀՀ սահմանադրությունը, «Բարձրագույն և հետբուհական մասնագիտական կրթության մասին» ՀՀ օրենքը, Համալսարանի կանոնադրությունը, ՀՀ ԿԳ նախարարի 2007 թ. դեկտեմբերի 6-ի թիվ 1193-Ն հրամանով հաստատված «ՀՀ բարձրագույն ուսումնական հաստատություններում մագիստրատուրայի ընդունելության և ուսուցման կարգը»:

1.3. Մագիստրատուրայում կարող է սովորել բակալավրի, դիպլոմավորված մասնագետի, մագիստրոսի որակավորում ունեցող անձը մասնագիտական գիտելիքները խորացնելու, վերամասնագիտանալու, ինքնուրույն գիտական ուսումնասիրություններ կատարելու, մասնագիտական, գործնական, նորարարական, տեխնոլոգիական զարգացումների ու նոր հնարավորությունների ընկալման ունակություններ ձեռք բերելու և մագիստրոսի որակավորման աստիճան ստանալու համար:

2. ՄԱԳԻՍՏՐԱՏՈՒՐԱՅԻ ԸՆԴՈՒՆԵԼՈՒԹՅՈՒՆԸ, ՄՐՅՈՒՅԹԻ ԱՆՑԿԱՅՈՒՄԸ

2.1. Հեռակա ուսուցման համակարգում մագիստրատուրայի 2025-2026 ուսումնական տարվա ընդունելությունը կատարվում է հետևյալ մասնագիտությունների գծով.

Դասիչը, Մասնագիտությունը	Դասիչը, Կրթական ծրագիրը	Բուհի կողմից ուսման վարձի մասնակի գեղյի կիրառմամբ /վճարովի/	Ուսման վարձը /հազ. դրամ/
1	2	3	4
031301.00.7 Հոգեբանություն			
	031301.07.7.Անձի հոգեբանություն և հոգեբանական խորհրդատվություն	15	370

2.2. Համալսարանի մագիստրատուրա մրցութային կարգով կարող են ընդունվել բակալավրի, դիպլոմավորված մասնագետի, մագիստրոսի որակավորում ունեցող ՀՀ քաղաքացիները: Մագիստրոսի որակավորում ունեցող քաղաքացիները երկրորդ մագիստրոսական կրթություն կարող են ստանալ միայն վճարովի հիմունքներով:

Օտարերկրյա քաղաքացիները և ՀՀ քաղաքացիություն չունեցող անձինք մագիստրատուրա կարող են ընդունվել միջպետական կամ միջգերատեսչական պայմանագրերի, համաձայնագրերի հիման վրա կամ սեփական նախաձեռնությամբ:

2.3. Համալսարանի մագիստրատուրայի ընդունելությունն անցկացվում է ուսման վարձի մասնակի գեղյի կիրառման (վճարովի):

2.4. Բակալավրի կամ դիպլոմավորված մասնագետի **տվյալ մասնագիտության տվյալ կրթական ծրագրի, Համալսարանի շրջանավարտները** մրցութին մասնակցում են նախորդ ուսումնառության ծրագրում ցուցաբերած ընդհանուր առաջադիմության գումարային միջին գնահատականով կամ միջին որակական գնահատականով (ՄՈԳ-ով) կամ մասնագիտական ընդունելության քննությունների արդյունքներով (հիմք է ընդունվում ՄՈԳ-ի կամ քննությունն առավելագույն միավորը): **Այլ բուհերի տվյալ մասնագիտության տվյալ կրթական ծրագրի**

շրջանավարտները մրցույթին մասնակցում են մասնագիտական ընդունելության քննությունների արդյունքներով:

2.5. Բակալավրիատի կամ դիպլոմավորված մասնագետի **այլ կրթական ծրագրերի շրջանավարտներին** ընդունելությունը կատարվում է ներկայացված փաստաթղթերով և մասնագիտական ընդունելության քննությունների արդյունքներով անցկացվող մրցույթի հիման վրա:

2.6. Քննությունների հարցաշարերը հաստատվում են մասնագիտական համապատասխան ամբիոնի կողմից մինչև 2025թ. սեպտեմբերի 30-ը տրամադրվում են ընդունող հանձնաժողովի պատասխանատու քարտուղարին:

2.7. Հավասար միավորների դեպքում մագիստրատուրայի ընդունելության մրցույթն անցկացվում է հետևյալ չափանիշների առաջնահերթությամբ.

2.8. նախորդ ուսումնառության ծրագրում ցուցաբերած ընդհանուր առաջադիմության գումարային միջին գնահատականով կամ միջին որակական գնահատականով,

2.9. մասնագիտական առարկաներից ցուցաբերած առաջադիմության գումարային միջին գնահատականով կամ միջին որակական գնահատականով,

2.10. տպագրված կամ տպագրման ընդունված գիտական աշխատությունների, թեզիսների և զեկուցումների առկայությամբ,

2.11. ոչ մասնագիտական առարկաներից ցուցաբերած առաջադիմության գումարային միջին գնահատականով կամ միջին որակական գնահատականով:

Հավասար միավորների դեպքում նախապատվությունը տրվում է ուսումնառության ողջ ընթացքում ակադեմիական պարտք չունեցած շրջանավարտներին:

2.12. Մագիստրատուրայի ընդունելության քննությունները կազմակերպվում են 2025թ. նոյեմբերի 1-ից 5-ը (ըստ ժամանակացույցի): Քննության տոմսը բաղկացած է 3 հարցից՝ 100 միավոր:

2.13. Բանավոր քննությունը ձայնագրվում է և ձայնագրությունը պահպանվում է արդյունքները հրապարակելուց 24 ժամվա ընթացքում:

2.14. Քննության արդյունքի բողոքարկման նպատակով դիմորդը հանձնաժողովին արդյունքների հրապարակումից հետո մեկ ժամվա ընթացքում հանձնաժողովի նախագահին ներկայացնում է գրավոր բողոքը, որը քննարկվում է նույն օրը:

2.15. Գրավոր բողոքի քննարկումը իրականացվում է Համալսարանի ռեկտորի կողմից ձևավորված բողոքարկման հանձնաժողովը:

2.16. Գրավոր աշխատանքի բողոքարկման դեպքում բողոքարկման հանձնաժողովը դիմորդի ներկայությամբ ուսումնասիրում և քննարկում է աշխատանքը, իսկ բանավոր քննության դեպքում լսվում է ձայնագրությունը:

2.17. Բողոքարկման արդյունքում կայացվում է որոշում՝

ա) գնահատականը թողնել անփոփոխ,

բ) գնահատականը բարձրացնել,

դ) գնահատականը իջեցնել:

2.18. Ընդունված որոշման վերաբերյալ կազմվում է արձանագրություն, որը ստորագրվում է հանձնաժողովի նախագահի և անդամների կողմից:

3. ՄԱԳԻՍՏՐԱՏՈՒՐԱՅԻ ԸՆԴՈՒՆԵԼՈՂ ՀԱՆՁՆԱԺՈՂՎԵՐ

ՈՒՍԱՆՈՂՆԵՐԻ ՀՐՄԱՆԱԳՐՈՒՄԸ

3.1. Մագիստրատուրայի ընդունելությունն իրականացնելու նպատակով Համալսարանի ռեկտորի հրամանով և նախագահությամբ ստեղծվում է ընդունող հանձնաժողով, որում ընդգրկվում են ուսումնական աշխատանքների գծով պրոֆեսորը, կրթական գործընթացների կառավարման բաժնի ղեկավարը, մասնագիտական կրթական ծրագրերի



(ՄԿԾ) կրթական գործընթացը կազմակերպող դեկանները, ընդունելության պատասխանատու քարտուղարը:

3.2. Քննությունների անցկացման նպատակով ուսումնական աշխատանքների գծով պրոռեկտորի առաջարկով, Համալսարանի ռեկտորի հրամանով ձևավորվում են քննական հանձնաժողով:

3.3. Ընդունող հանձնաժողովը մրցույթի հավակնորդների ցուցակներով իրականացնում է մրցույթ արդյունքների հաշվառմամբ՝ ըստ մասնագիտությունների:

3.4. Հանձնաժողովի անցկացրած մրցույթի արդյունքներով դիմորդներն ընդունվում են Համալսարան:

3.5. Ընդունված դիմորդը Համալսարանի ռեկտորի հրամանով կցագրվում է մասնագիտական կրթական ծրագրին, իսկ նրա և Համալսարանի միջև պայմանագրի կնքումից և նրա կողմից ուսման վարձը վճարելուց հետո կցագրված Համալսարանի ռեկտորի հրամանով դառնում է մագիստրատուրայի ուսանող:

4. ՀԱՄԱԼՍԱՐԱՆԻ ՄԱԳԻՍՏՐԱՏՈՒՐԱ ԸՆԴՈՒՆԵԼՈՒ ՀԱՄԱՐԴԻՄԵԼՈՒ ԺԱՄԿԵՏՆԵՐԸ ԵՎ ՆԵՐԿԱՅԱՑՎՈՂ ՓԱՍՏԱԹՂԹԵՐԸ

4.1. Համալսարանի կողմից զանգվածային լրատվության միջոցներով տրվում է հայտարարություն ընդունելության մասնագիտությունների, տեղերի և կանոնների վերաբերյալ: Հայտարարությանը կցվում է մագիստրանտի հետ կնքվող պայմանագրի տեքստը:

4.2. Մագիստրատուրայի ընդունելության համար դիմումի և փաստաթղթերի ընդունումը իրականացվում է 2025թ. հոկտեմբերի 1-ից 30-ը ներառյալ:

4.3. Համալսարանի մագիստրատուրայի դիմորդները ընդունող հանձնաժողով են ներկայացնում հետևյալ փաստաթղթերը.

ա) մագիստրատուրայի ընդունելության դիմում-հայտ՝ Համալսարանի ռեկտորի անունով (լրացվում է տեղում),

բ) բարձրագույն կրթության մասին դիպլոմի և նրա հավելվածի բնօրինակները և դրանց լուսապատճենները (օտարերկրյա պետություններում բարձրագույն կրթություն ստացածների համար փաստաթուղթ նրանց կրթության համարժեքության մասին),

գ) տվյալ տարվա շրջանավարտները ներկայացնում են ուսանողի ակադեմիական տեղեկագիրը և տեղեկանք ուսումնական հաստատությունից՝ բակալավրի աստիճանը շնորհելու վերաբերյալ:

դ) ինքնակենսագրություն (CV),

ե) անձը հաստատող փաստաթղթի պատճեն,

զ) 3 լուսանկար (3x4 սմ չափի),

է) զինվորական գրքույկ (առկայության դեպքում), (բնօրինակ և պատճեն),

ը) հրատարակված կամ հրատարակման ընդունված գիտական աշխատությունների ցուցակ (դրանց առկայության դեպքում):

5. ՄԱԳԻՍՏՐԱՏՈՒՐԱՅԻ ՂԱՍԵՐԻ ՄԿԻԶՄԸ

5.1. Մագիստրատուրայի առաջին կուրսի ղասերն սկսվում են ըստ հաստատված ժամանակացույցի:

